




Área / Unidad SERVIZO DE XESTION TRIBUTARIA GT3000E RCG	Documento 36013I01P0	
Código de verificación  4G00 3V1G 6T3C 0935 0HH0	Expediente 360/2019/2525	
	DATA 31-10-2019	

ASUNTO: EXPEDIENTE DE MODIFICACIÓN DA ORDENANZA FISCAL Nº 31 REGULADORA DA TAXA POR OCUPACIÓN DE TERREOS DE USO PÚBLICO CON POSTOS, BARRACAS, CASETAS DE VENDA, ESPECTÁCULOS, ATRACCIÓN OU RECREO, ASÍ COMO INDUSTRIAS DA RÚA E AMBULANTES E RODAXE CINEMATOGRAFICA.

Informe Proposta ao Pleno da Corporación

O presente expediente ten por obxecto a modificación da Ordenanza Fiscal nº 31, reguladora da taxa por ocupación de terreos de uso público con postos, barracas, casetas de venda, espectáculos, atraccións ou recreo, así como industrias da rúa e ambulantes e rodaxe cinematográfica, para o exercicio 2020

De acordo co anterior a Alcaldía elaborou a Memoria que resume as principais modificacións así como un documento Anexo co texto modificado. Polo tanto, propóñense modificacións que non van supoñer un incremento de tarifa na Ordenanza nº 31.

Normativa de Aplicación. A normativa de aplicación en relación co asunto de referencia é a seguinte:

- Lei 7/1985, do 2 de abril, Reguladora das Bases do Réxime Local (LBRL).
- Lei 58/2003, do 17 de decembro, Xeral Tributaria (LGT).
- Real Decreto Lexislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais (TRLRHL).
- Lei 19/2013, do 9 de decembro, de Transparencia, Acceso á Información Pública e Bo Goberno (Lei de Transparencia).
- Regulamento do Órgano para a Resolución das Reclamacións Económico Administrativas.

Potestade regulamentaria. De acordo co establecido no artigo 4.1c) e d) de LBRL corresponde aos Municipios, na súa calidade de Administracións Públicas Territoriais, e dentro da esfera das súas competencias, as Potestades Regulamentaria e Tributaria.

A Potestade Regulamentaria en materia tributaria, tal e como regula o artigo 106.2 da mesma norma, exerceuse a través de ordenanzas fiscais reguladoras de tributos propios e de ordenanzas xerais de xestión, recadación e inspección. No mesmo sentido pronúnciase o artigo 15.3 do TRLRHL.

Polo que se refire á modificación da Ordenanza Fiscal, obxecto deste expediente, o artigo 16.1 do TRLRHL establece que *os acordos de modificación das devanditas ordenanzas deberán conter a nova redacción das normas afectadas e as datas da súa aprobación e do comezo da súa aplicación.*

Contía das taxas. Polo que se refire á determinación da contía da taxa que é obxecto de modificación debe cumprir co previsto nos artigos 24 e 25 do TRLRHL. No caso de taxas pola prestación de servizos ou pola realización dunha actividade non poderán exceder, no seu conxunto, do custo real ou previsible do servizo ou actividade de que se trate ou, na súa falta, do valor da prestación recibida. As tarifas non sofren incremento, pese a regularse unha tarifa nova sin cuantificar para os supostos de licitacións públicas e polo tanto non se incorpora o informe técnico- económico.

Procedemento. En canto ao procedemento de aprobación é de aplicación o previsto nos artigos 15 a 19 do TRLRHL. Os acordos provisionais de imposición e ordenación adoptados pola corporación



someteranse a exposición pública no taboleiro de anuncios do Concello por un prazo de 30 días hábiles, como mínimo. Igualmente publicaranse os anuncios de exposición no BOP e nun diario dos de maior difusión da provincia da Coruña. Durante este prazo, aqueles que teñan a condición de interesados poderán examinar o expediente e presentar cantas reclamacións estimen oportunas.

Finalizado o período de exposición pública o Concello adoptará o acordo que proceda, resolvendo as reclamacións presentadas e aprobando a redacción definitiva da Ordenanza. Naqueles casos nos que non se presentaron reclamacións entenderase definitivamente adoptado o acordo ata entón provisional.

En todo caso, os acordos definitivos, incluíndo os provisionais elevados automaticamente a tal categoría, e o texto íntegro das ordenanzas ou das súas modificacións, haberán de ser publicados no boletín oficial da provincia de Coruña, sen que entren en vigor ata que leve a cabo dita publicación.

Doutra banda, de acordo co establecido no artigo 7 da Lei de Transparencia, as Administracións Públicas, no ámbito das súas competencias publicarán as memorias e informes que conformen os expedientes de elaboración dos textos normativos, igualmente no apartado d) do mesmo artigo publicaranse os documentos que, conforme á lexislación sectorial vixente, deban ser sometidos a un período de información pública durante a súa tramitación.

En canto aos órganos competentes, corresponde á Xunta de Goberno Local, previo ditame do Tribunal Económico Administrativo Municipal (art. 137.1 b LBRL e 2 b do Regulamento do TEAM), a aprobación dos proxectos de ordenanzas fiscais (art. 127.1. a) da LRBRL e art. 4.1 da OXX). Finalmente, corresponde ao Pleno da Corporación a aprobación das ordenanzas fiscais (art. 123.1.d LBRL) co quórum esixido no artigo. 123.2 da LBRL.

O Tribunal Económico Administrativo emitiu ditame favorable en cumprimento do establecido no art. 137.1 b da LBRL.

A Xunta de Goberno Local aprobou o proxecto de modificación de Ordenanzas, segundo certificado que consta no expediente.

EN CONSECUENCIA, PROPONSE AO EXCMO CONCELLO PLENO QUE, PREVIA DELIBERACIÓN E EXAME DO EXPEDIENTE, PROCEDA Á ADOPCIÓN DO SEGUINTE ACORDO:

VISTA a necesidade de proceder á modificación da Ordenanza Fiscal nº 31 reguladora da taxa por ocupación de terreos de uso público con postos, barracas, casetas de venda, espectáculos, atraccións ou recreo, así como industrias da rúa e ambulantes e rodaxe cinematográfica para o exercicio 2020.

CONSIDERANDO que o procedemento de aprobación de modificación das Ordenanzas axustarase ao previsto polo artigo 49 da Lei 7/1985, do 2 de abril, Reguladora das Bases do Réxime Local en concordancia cos artigos 15 e seguintes do Real Decreto Lexislativo 2/2004, do 5 de marzo, polo que se aproba o texto refundido da Lei Reguladora das Facendas Locais, relativos á imposición, supresión e ordenación de tributos polas Corporacións Locais.

VISTO que o Tribunal Económico Administrativo Municipal emitiu ditame sobre o proxecto de ordenanza, en cumprimento do previsto no artigo 137.1 b) da Lei 7/1985, do 2 de abril, reguladora das Bases do Réxime Local.

VISTO o acordo adoptado pola Xunta de Goberno Local, de aprobación do proxecto de ordenanzas, en cumprimento do preceptuado nos artigos 127.1 a) da Lei 7/1985 e 4.1 da Ordenanza Xeral de Xestión.

Por medio da presente, PROPONSE



Primeiro.- Aprobar o proxecto de modificación da Ordenanza Fiscal nº 31 reguladora da taxa por ocupación de terreos de uso público con postos, barracas, casetas de venda, espectáculos, atraccións ou recreo, así como industrias da rúa e ambulantes e rodaxe cinematográfica para o exercicio 2020 (artigo 6.4) cuxo texto modificado figura como Anexo na parte titulada como Modificación para ano 2020 do presente acordo .

Segundo.- As modificacións aprobadas entrarán en vigor o día 1 de xaneiro de 2020. Na Disposición Final da Ordenanza consignarase a data da súa aprobación e a do inicio da súa vixencia.

Terceiro.- Someter a información pública os acordos precedentes, no Taboleiro de Anuncios do Concello e a través de anuncio insiro no Boletín Oficial da Provincia, así como nun dos diarios de gran difusión da provincia, co fin de que os interesados poidan, durante un prazo de trinta días a partir do día seguinte ao da publicación realizar as alegacións e suxerencias que consideren oportunas, deixando constancia expresa de que se durante o citado trámite non se presentase nengunha, o acordo de aprobación inicial da modificación se elevará a definitivo de forma automática.

Cuarto. Facultar a Alcaldesa – Presidenta, tan amplamente como en dereito sexa posible, para garantir a plena efectividade do presente acordo

A Coruña, na data de sinatura electrónica do documento

A Xefa de Servizo de Xestión Tributaria

Conforme

O director de Economía, Facenda e Réxime Interior

Mª Rosario Carballo Gómez

Manuel Angel Jove Losada

Visto e Prace

O Concelleiro de Economía, Facenda e Réxime Interior
Jose Manuel Lage Tuñas



Anexo: ORDENANZA FISCAL Nº 31 REGULADORA DA TAXA POR OCUPACIÓN DE TERREOS DE USO PÚBLICO CON POSTOS, BARRACAS, CASETAS DE VENDA, ESPECTÁCULOS, ATRACCIÓNS OU RECREO, ASÍ COMO INDUSTRIAS DA RÚA E AMBULANTES E RODAXE CINEMATOGRAFICA.

TEXTO ORDENANZA ANO 2019

ARTIGO 1. FUNDAMENTO E OBXECTO.

En uso das facultades concedidas polos artigos 133.2 e 142 da Constitución e polo artigo 106 da Lei 7/85, do 2 de abril, reguladora das bases do réxime local, e de conformidade co disposto nos artigos 15 a 19 do Real decreto legislativo 2/2004, do 5 de marzo, polo que se aproba o texto refundido da Lei reguladora das facendas locais, o Concello da Coruña establece a Taxa por utilización privativa ou aproveitamentos especiais de terreos de uso público local por instalación de postos, barracas, casetas de venda, espectáculos, atraccións ou recreo, así como industrias da rúa e ambulantes e rodaxe cinematográfica, a que se refire o artigo 20. 3 n) do propio real decreto legislativo, que se rexerá pola presente ordenanza fiscal, cuxas normas atenden ao previsto no artigo 57 do citado real decreto legislativo.

ARTIGO 2. FEITO IMPOÑIBLE.

Constitúe o feito imponible desta taxa a realización de ocupacións de terreos de uso público local con postos, barracas, casetas de venda, espectáculos, atraccións ou recreo, así como industrias da rúa e ambulantes e rodaxe cinematográfica.

ARTIGO 3. BENEFICIOS FISCAIS.

Aplicaranse os beneficios fiscais previstos en normas con rango de lei e nos tratados internacionais.

ARTIGO 4. OBRIGADOS TRIBUTARIOS.

1. Son obrigados tributarios, en concepto de contribuíntes, as persoas físicas ou xurídicas e as entidades a que se refire o artigo 35.4 da Lei xeral tributaria a cuxo favor se outorguen as autorizacións administrativas, ou quen realice os aproveitamentos, se se procedeu sen a oportuna autorización. Se o aproveitamento se realizase sen obter a licenza, considérase que ten a condición de suxeito pasivo o titular da empresa que explote a instalación á que estea afecta a instalación ou actividade realizada en terreo público.
2. Serán responsables solidarios da débeda tributaria as persoas ou entidades a que se refire o artigo 42 da Lei xeral tributaria.
3. Serán responsables subsidiarios os administradores das sociedades e os síndicos, interventores e liquidadores de quebras, concursos, sociedades e entidades en xeral, nos supostos e co alcance que sinala o artigo 43 da Lei xeral tributaria.

ARTIGO 5. BASE IMPOÑIBLE.

MODIFICACION PROPOSTA ANO 2020

ARTIGO 1. FUNDAMENTO E OBXECTO.

ARTIGO 2. FEITO IMPOÑIBLE.

ARTIGO 3. BENEFICIOS FISCAIS.

ARTIGO 4. OBRIGADOS TRIBUTARIOS.

ARTIGO 5. BASE IMPOÑIBLE.



Tomarase como base para a determinación do importe da taxa o tempo de duración do aproveitamento e os metros cadrados de terreos de uso público que son obxecto da ocupación.

ARTIGO 6. TARIFAS.

Esixiranse as seguintes:

	EUROS
1 Instalacións temporais:	
1.1 Postos, barracas e casetas dedicadas á venda de calquera clase de artigos autorizados, por m2 ou fracción, ao día	0,94
1.2 Tómbolas, bambáns, carruseis, autos de choque e demais atraccións de recreo, por cada m2 ou fracción, ao día	0,94
1.3 Circos, teatros ambulantes, monicreques e espectáculos análogos, por m2 ou fracción ao día	0,94
1.4 Rodaxes cinematográficas (películas, vídeos e gravacións televisivas) na vía pública, por m2 ou fracción ao día	0,94
1.4.1 Rodaxes cinematográficas (películas, vídeos e gravacións televisivas) na vía pública, de carácter profesional e non publicitario. Os interesados deberán obter a preceptiva autorización municipal, tendo que abonar os danos ocasionados pola deterioración e os danos que poidan producir	0,00
2 Cando os aproveitamentos non se realicen en rúas de 1ª categoría fiscal, a cantidade resultante da aplicación das tarifas anteriores multiplicarase por un coeficiente para os efectos de determinar o importe que hai que pagar:	
Categoría rúa	
Segunda	0,90
Terceira	0,80
Cuarta	0,70
Quinta	0,60
Sexta	0,50
3 Tarifas mínimas. Con carácter mínimo e sempre que non se alcancen as cifras que a continuación se dirán coa aplicación das anteriores tarifas, esixiranse:	
3.1 Aproveitamentos aos que se refire o epígrafe 1.1 anterior	56,81
3.2 Aproveitamentos aos que se refiren os epígrafes 1.2 e 1.3 e 1.4	170,90

ARTIGO 7. XERACIÓN DA TAXA.

1. A taxa correspondente ao primeiro período impositivo

ARTIGO 6. TARIFAS.

Esixiranse as seguintes:

	EUROS
1 Instalacións temporais:	
1.1 Postos, barracas e casetas dedicadas á venda de calquera clase de artigos autorizados, por m2 ou fracción, ao día	0,94
1.2 Tómbolas, bambáns, carruseis, autos de choque e demais atraccións de recreo, por cada m2 ou fracción, ao día	0,94
1.3 Circos, teatros ambulantes, monicreques e espectáculos análogos, por m2 ou fracción ao día	0,94
1.4 Rodaxes cinematográficas (películas, vídeos e gravacións televisivas) na vía pública, por m2 ou fracción ao día	0,94
1.4.1 Rodaxes cinematográficas (películas, vídeos e gravacións televisivas) na vía pública, de carácter profesional e non publicitario. Os interesados deberán obter a preceptiva autorización municipal, tendo que abonar os danos ocasionados pola deterioración e os danos que poidan producir	0,00
2 Cando os aproveitamentos non se realicen en rúas de 1ª categoría fiscal, a cantidade resultante da aplicación das tarifas anteriores multiplicarase por un coeficiente para os efectos de determinar o importe que hai que pagar:	
Categoría rúa	
Segunda	0,90
Terceira	0,80
Cuarta	0,70
Quinta	0,60
Sexta	0,50
3 Tarifas mínimas. Con carácter mínimo e sempre que non se alcancen as cifras que a continuación se dirán coa aplicación das anteriores tarifas, esixiranse:	
3.1 Aproveitamentos aos que se refire o epígrafe 1.1 anterior	56,81
3.2 Aproveitamentos aos que se refiren os epígrafes 1.2 e 1.3 e 1.4	170,90

4 Cando se utilicen procedementos de licitación importe da taxa virá determinado polo valor económico da proposición sobre a que recaía a concesión autorización ou adxudicación.

ARTIGO 7. XERACIÓN DA TAXA.



xerarse na súa totalidade no momento de solicitarse a licenza ou de iniciarse o aproveitamento, cando non se obtivese a correspondente licenza.

2. As cotas sinaladas nas tarifas non serán reducibles.

ARTIGO 8. NORMAS DE XESTIÓN.

1. No momento de presentar a solicitude para a obtención da autorización precisa para realizar os aproveitamentos descritos nesta ordenanza, deberá ingresarse o depósito previo do importe da taxa, sen cuxo requisito non se tramitará a petición. Poderá establecerse a obriga de autoliquidar o importe e ingresar simultaneamente a cantidade resultante.
2. A resolución que conceda a licenza aprobará simultaneamente unha liquidación provisional ordenando as devolucións ou efectuando as liquidacións complementarias que procedan. No caso de non concederse a licenza, devolverase o depósito constituído.
3. No caso de prorrogarse o aproveitamento despois de transcorrido o período de concesión inicial, constituirase un novo depósito previo, na mesma forma que para a autorización inicial.
4. As licenzas deberán solicitarse da Xunta de Goberno Local por medio dunha instancia por triplicado xunto cos documentos necesarios para a súa tramitación. Instruído o expediente, ditarase a resolución que se lles notificará ao interesado e aos servizos municipais encargados da súa execución.

ARTIGO 9. INFRACCIÓNS E SANCIÓN S TRIBUTARIAS.

Para a cualificación das infraccións tributarias, así como das sancións que a elas corresponden en cada caso, estarase ao disposto nos artigos 178 e seguintes da Lei xeral tributaria e na Ordenanza xeral de xestión.

DISPOSICIÓN FINAL.

A presente ordenanza, que consta de nove artigos, foi aprobada polo Pleno na sesión realizada o 19 de decembro do 2008, entrará en vigor o día 1 de xaneiro do 2009 e producirá efectos mentres non se acorde a súa modificación ou derogación.

ARTIGO 8. NORMAS DE XESTIÓN.

ARTIGO 9. INFRACCIÓNS E SANCIÓN S TRIBUTARIAS.

DISPOSICIÓN FINAL.